


華嚴持驗記

C40
4514
(64)



C40-4514



B 64853

華嚴持驗紀序

釋迦成佛已在久遠無量劫前但以發願度生現相

於周昭王甲寅年四月八日生迦毘羅國捨王位出

家以三十歲十二月八日明星出時成道說法四十

九年談經三百餘會教分五時皆大乘也其中華嚴

金剛法華諸經為最上一乘法華嚴以卽穢卽淨為

宗金剛以無相不取一法為宗法華以人人成佛為

宗學者能究心三經佛法卽蟠際寸胸矣蓮池師云

華嚴具無量門諸大乘經猶華嚴無量門中之一門

耳華嚴天王也諸大乘經侯封也諸小乘經侯封之

車前打馬系
附庸也。觀此語則見禮之尤尊重可知。蓋是經爲世
尊初時所說之第一義諦。世尊成正覺已。與諸菩薩
七處九會。放光說法。文殊阿難等。結集鐵圍山。初利
天龍咸護法藏。由是菩薩搜秘典於龍宮。大賢闡迦
文於東夏。如斯勝妙。得聞何幸。故一品之持已得淨
戒一偈之誦。能破地獄。以至盥掌滴水。尚足拯濟微
生。矧夫書寫讀誦。講說思修。冥通幽感。殊絕人天。如
諸傳記所錄。不彰彰歟。余旣哀次金剛法華持驗二
書。因復取是經感應事蹟。表而出之。爲後人勸。或謂
心宗不二。能所雙空。黃梅衣鉢。尚欲拋却一邊。况區

區記傳粗跡。奚關正覺。雖狀五周大義。悉標因果。所
謂因該果海。果徹因源。編中備陳。感應之驗。正符斯
旨。倘獲由此。而聳動羣機。啓迪正信。上之精進。修持
自朕。見性成佛。次亦當收帆苦海。早種佛因。先哲不
乏奇緣。凡聖實無差別。雖復如古所云。異鳥啣花。海
王送雨。地震流西域之光。虎馴負太原之鉢。效可見
於當今。理何殊乎曩昔哉。抑經中稱應觀法界性。一
切唯心造。釋迦度生。亦爲人人具有佛性。故佛出世
度之持經者。但辦一片精心。華藏莊嚴。諸聖賢衆。歷
劫可以親聞。見能如此。庶不辜負四十九年苦口

也。朕則卽以是義當諸經持驗一貫之說可乎。

古陽羨淨業弟子周克復敬撰



勸流通華嚴持驗引

經典所在流通卽屬善緣福報無量故語云能以大乘法傳一人者當十善傳十人者當百善傳大貴人大豪傑大力量者當千善重刊廣布者當萬善况淨土法門超出生死輪迴永不退轉直至成佛而後已。是勸一人修淨土乃成就一衆生作佛也。凡作佛者必度無量衆生彼所度之衆生皆由我而始其福報信不可窮盡故欲勸一切見者聞者廣大其心以佛之心爲心使人人知之而盡生淨土。龍舒所言自宜諦信不誣。至法華華嚴二經尤佛說妙法中之最上。

乘觀音大士。普度世間。無刹不現。往賢感通事跡。歷
禩昭朕。各爲纂集。以勸進修。斯誠鈴鐸。方來津梁。末
路之最方便門也。戊戌秋。予輯金剛持驗。已有流通
小引。敬懇同人。茲刻淨土法華華嚴觀音持驗諸紀
搜採載籍。徵信古今。頗殫心手之微勞。用志皈依於
不朽。但拙刻板在此地。未能廣傳他省。旣並生莊嚴
佛土之中。安可缺法事流通之勝。復告當世善信。獲
見諸本。不吝廣爲刻施。或仍原本。或易新編。其見聞
所及。有關持驗者。尤與續緝於後。一句讚揚。卽是一
句護持。善根一念鼓動。卽是一念消弭。罪業於以續

佛慧命。自利利他。所謂護法諸神。旣護法寶。自護弘
法。載寶之人。斷斷不爽。昔賢爲劈窠圖。勸人念佛。後
以他人念佛。多生淨土。乃歸功施圖之人。亦得生淨
土。法施功德。不可思議。如是願與同人共勗之。

同善道人克復敬懇

[Faded text, likely bleed-through from the reverse side of the page]

歷朝華嚴持驗目錄

南天竺龍樹菩薩

天竺世親菩薩

東晉沙門支法領

晉佛度跋陀羅

于闐般若彌伽薄

宋求那跋陀羅

齊釋慧光

魏勒那摩提

魏蜀僧法建

後魏沙門靈辨

僧德圓

後魏安豐王延明

後魏王明幹

北齊中官劉謙之

隋僧慧悟

隋釋靈軌

唐灑橋逆旅異僧

唐解脫和尚

唐釋法誠

唐僧辨才

唐釋法空

唐僧伽彌多羅

唐法順和尚

唐于闐實義難陀

唐法藏和尚

唐修德禪師

唐龜茲國小乘師

唐僧慧祐

唐釋道英

唐國師澄觀

唐釋城慧

唐五臺山尼師

唐孫思邈

唐李通玄

唐樊玄智

唐鄧元爽

唐郭神亮

宋華嚴祖覺禪師

宋法師省常

宋釋善本

宋蜀僧智超

宋文忠歐陽公

宋孫良

宋秦氏淨堅

金蘇陀室利

元華嚴菩薩正順

明辨融禪師

明戈以安

明譚工部貞默母

宋文忠公
宋文忠公
宋文忠公
宋文忠公
宋文忠公
宋文忠公
宋文忠公
宋文忠公
宋文忠公
宋文忠公

歷朝華嚴經持驗紀

荆溪周克復重朗纂 男周石校

吳郡陳濟生皇士參

南天竺國大名德比丘號龍樹菩薩出梵志種大豪
貴家始生時在樹下由龍成道因以為號襁褓時誦
四韋陀有四萬偈皆卽照了弱冠擅名諸國天文星
緯及餘道術無不綜練結友三人入山至一佛捨出
家爲道九十日誦聞浮提所有經論皆悉通達因更
求異典向雪山見一比丘以摩訶衍授之愛樂讀誦
辨才無盡聞者悉推伏請爲師範便自謂一切智人

心生僥慢欲往從瞿曇門入時門神謂龍樹曰今汝
智慧未云能辯比于如來無異螢火齊輝日月我觀
仁者非一切智云何欲從此門而入龍樹聞之赧狀
有愧自念世界法中津途無量佛經雖妙句義未盡
我今宜更敷演之開悟後學饒益衆生作是念已獨
處靜室水精房中大龍菩薩愍其若此以神力接入
大海至宮殿開七寶函以諸方等深奧經典無量妙
法授龍樹九句中通解深入龍知其悟道送還出宮
初華嚴經是文殊師利所集佛初去世異道競興乏
大乘器攝此經入龍王宮六百餘年龍樹往龍宮見

此經獨爲淵妙誦之在心始得傳布于世付法藏因
緣經及西域記說賢首華嚴傳諸本具誌其事

世親菩薩天竺人性負聰敏初以小乘爲業峻辨橫
分利如星劍兄無着菩薩托病令召世親因開示大
教云及吾未死之前讀吾所習經典世親卽讀華嚴
乃見毘盧法界普賢行海因生信悟嘆曰可取利劍
斷吾舌根用明已讚小乘之失兄止之曰如人因地
而倒亦因地起昔日以舌毀大乘今可將舌以讚大
乘遂入山披覽大乘造十地論論成之日大地徧震
光明洞朕見西域記

東晉沙門支法領志樂大乘捐軀求法聞于闐東南
二千餘里有拘遮盤國國君相傳敬禮大乘王宮內
有華嚴摩訶般若大集等經並十萬偈王躬受持莊
嚴供養於是裏糧抗策備歷艱途至拘盤國竭誠請
禱遂得華嚴前分三萬六千偈賫還卽東晉朝所譯
經也此華嚴入東土之始

晉北天竺三藏佛度跋陀羅華云覺賢甘露飯王之
苗裔幼失怙恃度爲沙彌性聰敏博綜羣經深達禪
律常願遊諸方以弘至化適姚秦沙門智嚴至罽賓
國問彼國僧誰可流化東土皆云賢可師嘗受禪業

於佛大仙大仙時亦在罽賓國謂嚴曰可以振維僧
徒宣授正法賢其人也嚴因懇請偕來東夏師許之
途歷三載晝伏宵行備經危險方達東萊郡聞羅什
在長安欣狀詣焉與之上下論議演授禪法後遊東
晉義熙十四年吳郡內史孟顓右衛將軍褚叔度別
造淨室請譯華嚴經師乃於揚州謝司空寺亦名道場寺卽
今潤州興嚴寺是手執梵文共沙門百餘人翻譯梵
也由興華嚴故本三萬六千頌成晉經六千卷三十四品八會指文會理通
言適妙沙門法業筆受慧嚴慧觀潤色故道場寺猶
有華嚴堂焉初譯經時堂前池內每有二青衣童子

華嚴持驗經
從池中出捧以香花。爇爐注水不離几席。將夕還潛沼中。舉衆皆見。以此經久在龍宮。龍王慶感流通。故令龍子給侍。又有善神護諸左右云。後入廬山。預遠公蓮社。譯觀佛三昧諸經。永嘉六年卒。年七十有一。手屈三指。明得阿那含果。業公風格秀整。徧閱羣教。自謂未能探微。照極。常快狀不足。後遇覺賢。請譯華嚴。籌諮義理。數歲。廓狀通悟。顧友人曰。聖教司南。於是乎在。遂敷弘奧旨。鬱爲宗首。著旨歸兩卷。慧嚴慧觀。筆格高簡。經論深博。卽什公八俊之二也。于闐國沙彌般若彌伽薄。堅持戒行。專誦華嚴。忽有

人合掌謂曰。諸天令弟子請師。願師閉目。俄至天上。天主跪而請曰。今諸天方與修羅戰。屢被摧衄。屈師誦華嚴經。望法力加護。師如其所請。乘天寶輅。執天幢旛。心念華嚴。以諸天衆對彼勅敵。修羅見之。忽狀潰散。須臾送歸。身染天香。終身不滅。

宋求那跋陀羅華言功德賢中天竺人。初通五明諸論。後深入三藏。進學大乘。其師令採取經匣。卽得華嚴師喜之。命加講說。元嘉中。至廣州。刺史車朗奏聞。文帝遣使迎接。南譙王義宣等。並師事之。王集義學沙門七百餘衆。欲講華嚴經。師以未通華言。深懷媿

華嚴持驗錄
歎因朝夕禮懺虔禱觀音以求冥應遂夢神人執劍持一人首而爲易之豁狀便覺自後華言無不通曉遂講華嚴至十數遍聽者傾服師初達建業帝問曰寡人欲持戒不殺而身主國政不獲從志奈何師曰帝王所修與匹夫異匹夫身賤名劣須克己苦躬帝王以四海爲家萬民爲子出一嘉言則士庶咸悅布一善政則人神以和刑不天命役不勞力則風雨時寒暑調百穀茂如此持齋齋亦大矣如此不殺戒亦至矣安在缺一時之膳全一禽之命然後爲弘濟耶帝撫几稱嘆敕有司供給舉國宗奉焉

齊釋慧光居洛陽著華嚴涅槃十地等疏妙盡權實之旨一日有疾見天衆來迎光曰我所願歸安養耳已而淨土化佛充滿虛空光曰惟願我佛攝受遂我本願卽彈指警咳言氣俱盡見雲棲往生集

魏勒那摩提華言實意中天竺人博文瞻學明悟禪理以正始初至洛陽譯十地等論二十四卷師領受華音慧悟絕倫帝每令講華嚴精義穎發嘗處高座忽有持笏執柬者形如尊官云天帝來請法師講華嚴經都講維那咸祈相赴時講席衆僧同見之師怡然微笑告衆辭訣化於法座其都講等僧亦同時入

滅觀此知華嚴秘藏天人無不宗重如是
魏蜀僧法建禪行高特素持華嚴時武陵王東下令
弟規守益州魏遣將軍尉遲迥來伐蜀規旣降款城
內名僧皆被拘禁至夜忽有光明燭天迥遣人尋光
乃見諸僧並睡惟師端坐誦經光從口出迥聞自到
師所頂禮坐聽達旦始休因問法師夜誦何經師曰
華嚴經迥問誦得幾許師曰貧道發心欲誦一藏情
多懈怠今始得千卷耳迥驚疑不信將欲試之曰屈
誦一徧應不勞損否師曰誦經沙門常事豈憚勞苦
乃設高座令諸僧衆並執經本聽師登座宣誦七日

夜數乃滿足迥起謝別因並釋放諸僧旣而嘆曰如
來滅後阿難是爲總持未能過此蜀中乃有此人所
以常保安樂豈偶哉見續高僧傳

後魏沙門靈辨晉陽人宿植勝善常讀大乘見華嚴
經倍加鑽仰乃頂戴此經入清涼山寺求文殊師利
潛護拜禮歷歲足破血流肉盡骨穿忽聞空中云汝
且止但至心思維此經自得入處師于是披卷豁狀
大悟熙平元年正月造華嚴論演義釋文窮微洞奧
共百卷流傳於世

僧德圓天水人常以華嚴爲業讀誦受持遂修一淨

園樹諸穀楮并種香草雜以鮮花每一入園必加洗濯身著淨衣漑以香水楮生三載香氣四達別造一室香泥塗地令匠人齋戒易服出入必盥漱薰香剝楮取皮浸以沉水瀟淨造紙畢歲方成別築淨基造新室堂中施方栢牙座用布香華上懸寶蓋垂諸玲珮白檀紫沉以爲經案并充筆管書經生日受齋戒香湯三浴華冠淨服將入經室必夾路焚香唄先引之師亦體服嚴潔執爐恭導散花供養方乃書寫師又胡跪運想注目傾心纔寫數行每字皆放光明照徹一院久之方歇復有神人執戟現形警衛圓與書

生同見餘人則不覩焉又有青衣梵童手執天花供養經二載書寫畢盛以香函置諸寶帳每申頂禮後因轉讀函發異光此經進授於今五代有清淨轉讀者時亦靈應昭朕今尚在西太原賢首法師處見會玄記

後魏安豐王延明中山王元熙並以宗室英賢處心無上稽首圓宗嘗用香和墨寫華嚴經一百部金字華嚴經一部皆五香爲藏七寶爲函靜夜良辰清齋行道卽放神光五色照耀臺宇衆共覩之

後魏文明元年京兆人王明幹因病致絕被二人引

至地獄及門見一僧稱是地藏菩薩教之誦偈云若
人欲了知三世一切佛應當如是觀心造諸如來此
經誦此偈者能排地獄諸苦音幹因誦之入見王王問
偈汝有何功德答云惟受持一四句偈卽朗誦如前
王遂放免當誦偈時聲所到處獄中受苦之人皆得
解脫幹三日方甦憶持此偈向人說之方知是華嚴
經夜摩天宮無量菩薩雲集所說卽覺林菩薩偈也
今唐經下二句云應觀法界性一切惟心造語雖稍
別大意亦同旣一偈之功能破地獄况一卷一部之
玄微哉見纂靈記

北齊中官劉謙之自嘆刑餘皈心佛乘太和中第三
王子於清涼山求文殊師利菩薩焚身供養謙之觀
其事乃奏乞入山修道齋華嚴經一部晝夜精勤禮
懺讀誦心祈妙悟絕粒飲水垂三七日形氣雖微丹
懇彌切忽感髻髭盡生復丈夫相神彩通悟洞曉幽
旨遂殫精造此經論共六百卷奏聞高祖倍加敬信
華嚴一教於斯轉盛

隋禪定道場僧慧悟京兆人嘗與一僧道祥同隱終
南師受持華嚴祥受持涅槃木食巖棲各專其業忽
一人來拜跪問訊云請一師就宅赴齋二僧相推人

華嚴持驗錄
云請讀華嚴法師悟因隨往乃山神處也請于羅漢
皆推師上座食訖皆飛空去神呼一童子令侍童卽
依命謂師曰請師開口既視口中乃云師大有病童
取手爪上垢投師口內須臾復令師開口視之曰病
已略盡卽躍身飛入口中童果是藥精師遂獲神通
還室取經辭道祥渺狀履空而去
隋釋靈幹姓李狄道人依佛法師出家年十八能講
華嚴住興善寺爲譯經證義沙門後遇疾死數日乃
甦云往兜率天見休遠二法師並坐華臺光輝絕世
謂幹曰爲我報諸弟子後皆生此師志奉華嚴常依

經作華藏觀及彌勒天宮觀至於疾甚目上視若有
所見僧童真問之答曰向見青衣童子引至兜率而
天樂非久終墜輪迴蓮華藏是所願也旣而氣盡須
臾復甦真又問今何所見答曰見大水徧滿華如車
輪而坐其上吾願足矣言畢而逝

唐苑律師京兆延興寺僧以貞觀初途經灞橋日夕
舍于逆旅俄有異僧至儀服龕蔽止宿主人別房遂
取醇酒良肉快意飲噉律師持潔勃狀穢之其僧食
已乃索水漱口閉戶端坐而誦華嚴初標品題次誦
如是我聞一時佛在摩竭提國僧兩口角俱放光明

華嚴經疏
如金。色。比。至。三。更。四。帙。欲。滿。口。中。光。明。更。熾。至。五。帙。已。上。其。光。漸。收。却。入。僧。口。未。及。五。更。誦。終。六。帙。卽六
十卷
全部。僧。乃。却。臥。律。師。側。聽。玄。音。束。身。抱。愧。悲。悔。交。懷。
天。明。入。房。禮。懺。詢。其。名。字。不。答。分。袂。後。莫。知。所。之。感。
應。傳。云。錄。感。應。時。適。有。狂。者。在。傍。問。曰。某。不。斷。酒。肉。
効。彼。神。僧。持。誦。華。嚴。可。乎。答。曰。汝。一。夜。誦。經。未。至。五。
更。能。滿。六。帙。乎。汝。夜。誦。經。能。放。口。光。以。代。燈。燭。乎。汝。
能。若。酒。仙。之。食。蝦。誌。公。之。噉。鴿。吐。而。復。活。乎。汝。皆。不。
能。妄。效。神。僧。行。事。欺。誑。聖。賢。罪。深。滄。海。其。何。能。逃。於。
是。狂。者。慙。謝。而。退。

唐解脫和尚。姓邢氏。代州五臺縣人。七歲出家。初從
慧超禪師。詢定業。超器之。告衆曰。解脫調習融明。非
爾輩所鄰也。未幾大獲啓悟。後于五臺西南佛光寺。
立精舍。專誦華嚴。復依經作佛光觀。屢往大孚寺求
見文殊。文殊現身。悔云。汝今不須禮覲。可自誨責。必
當大悟。後因反求。乃悟無生。兼得法喜。遂慨思弘濟。
祈誠大覺。請證此心。感諸佛現。爲說偈曰。諸佛寂滅
甚深法。曠劫修行。今乃得。若能開曉此法。眼一切諸
佛。皆隨喜。師更問空中寂滅之法。可說得。教人耶。諸
佛卽隱。但有聲告曰。方便智爲燈。照見心境界。欲究

眞實法一切無所見。又本州都督請傳香受戒。法化既畢。將東歸。都督及衆送至城東。日暮思欲焚香。忽聞城上空。中聲曰。合掌以爲花。身爲供養。具善心眞實香。讚歎香烟布。諸佛聞此香。尋聲來相度。衆等勤精進。終不相疑誤。故舊傳題云。偈讚排空也。
唐釋法誠。姓樊。雍州人。幼出家。以誦華嚴爲課。因遇慧超禪師。隱居藍谷。後於南嶺造華嚴堂。備致嚴潔。乃圖畫本經七處九會之像。延弘文館書生張靜敬寫全經。師親捧香爐。專精禮戴。忽見有瑞鳥形色殊異。卽花入室。旋繞供養。時以爲精心所感。

唐僧辨才。幼事裕法師。日惟課習華嚴。久而不悟。乃虔造香函盛經。頂戴行道。凡經三載。夢普賢指授玄義。忽爾成誦。煥若臨鏡。

唐釋法空。隋末雁門郎將也。棄家詣清涼深谷。常誦華嚴。唯心作佛之偈。後遇異僧。授以般若玄旨。豁爾心空。臨終坐逝。見雲棲感應略記。

唐僧伽彌多羅。師子國人。證第三果。麟德初。來震旦。高宗甚加敬禮。後往清涼敬禮文殊。因至西太原寺。時屬諸僧誦華嚴經。師問是何經。答曰華嚴。師肅然改容曰。不謂此地亦有是經。合掌讚嘆久之曰。此大

華嚴持驗記
方廣佛功德難思。西國相傳。有人讀此經。以水盥掌。水。露。蟲。蟻。其捨命者。皆得生天。何況受持讀誦。精進思惟者歟。

唐杜順和尚。姓杜氏。諱法順。京兆杜陵人。操行高潔。學無常師。專以華嚴爲業。童子時。於宅後塚上。爲衆說法。聞者皆悟大乘。至今說法塚存焉。又於終南山集華嚴所詮之義。作法界觀文。時感海會菩薩現身讚嘆。旣成。聚火焚燒。契合聖心。一字無損。居山中。嘗欲種葵。地多蟲蟻。師乃巡疆定封。蟲卽外徙。由是耕墾一無所損。三原縣有民生而聾啞。師召之與語。應

言便愈。因詣南山。值橫渠漲。盜止之。斷流徐步。而過將終之日。普會有緣。聲色不渝。泊焉入寂。葬樊川北原。今全身塔在長安南華嚴寺。別傳云。是文殊化身也。

唐于闐國三藏實叉難陀。華云喜學。證聖元年三月十四日辛酉。於東都佛授記寺。重譯華嚴。至聖曆二年十月八日。譯新經論。按智度論。名此爲不思議經。有十萬偈。梁攝論。亦名百千經。前晉譯止三萬六千偈。所謂法領半珠者也。是時遣使之于闐。迎梵本。至師再加翻譯。兼補前闕。計益九千頌。合舊總四萬五

千頌為唐本八十卷三十九會傳云法藏有十類經其
 一略本經即今兩譯本也皆十萬偈中之略以譯未
 盡故狀第一會所說華藏世界晉本文多闕略至八
 十卷始獲通曉亦燦狀備矣時有大德義淨三藏弘
 景禪師圓測神英法寶賢首諸法師同譯復禮法師
 綴文自辛酉初譯越一日壬戌有天降甘雨之應
 唐法藏和尚字賢首俗姓康氏康居國人初母夢異
 光而孕及生而慕無上後有儼和尚講華嚴於雲華
 寺師至中夜忽見神光來燭庭宇歎曰當有異人發
 弘大教及明乃遇儼和尚自是伏膺深入無盡聖曆

二年十月新譯華嚴經成敕師於佛授記寺開講十
 二月十二日講至華藏地界品講堂及寺院中地忽
 皆震動道俗數千共觀嘆未曾有又於雲花寺開講
 有白光自口出須臾成蓋萬眾歡躍先是總章元年
 西域有三藏梵僧來至京洛高宗敬事師時為童子
 頂禮三藏請受菩薩戒眾白三藏曰此童子能誦華
 嚴大經兼解其義三藏驚嘆曰華嚴一乘是諸佛秘
 藏難可遭遇况通其義若有人誦得華嚴淨行一品
 其人已得菩薩淨戒具足不復更受菩薩戒矣天授
 間師講華嚴經因論邪正有道士口發粗言明朝洗
 華嚴持驗記

面眉髮俱落。方生悔心。歸敬三寶。發誓受持華嚴經。一百遍。尚十遍未畢。忽感眉髮重生。

唐定州中山修德禪師。苦節成性。守道山林。專以華嚴爲業。永徽四年。發心抄寫。別爲淨院。植楮樹。歷三年。灌以香水。潔淨造紙。復別築淨臺。召善書人。瀉州王恭。齋沐淨衣。焚香布花。懸諸旛蓋。禮經懺悔。方升座。寫下筆。含香舉筆。吐氣。每日恒狀。師仍入室。運想每寫一卷。施繖十疋。恭皆不受。寫畢。集衆設齋慶之。師於衆前。燒香散花。發弘誓願。纔開經藏。放大光明。周七十餘里。照定州城。山中齋衆及諸士女。投身悲

悔。無不敬仰。見會玄記。

唐聖曆中。三藏法師實叉難陀云。龜茲國惟習小乘。不知釋迦。分化百億。現種種身雲。有梵僧從天竺持華嚴梵本。至其國中。小乘師等皆無信受。梵僧遂留經而歸。小乘諸師。乃以經投棄於井。既而井中放光。赫如火聚。其夜諸師覩之。疑謂金寶。至明使人漉取。乃前所棄華嚴經也。諸師驚異。遂收歸藏。置中龕。內他日忽見此經在藏中。最上隔。諸師自言。此亦我釋迦所說。吾見有少異。乃收入藏中龕。何人輒移。此上隔。乃更置下龕。鎖藏門。嚴掌鎖鑰。明日開視。則仍

在上。隔矣。諸師方悟。一乘大教。威靈如此。追悔信慕。華嚴一經。遂盛行諸國。見英師感應傳。唐崇福寺僧慧祐。戒行精苦。事儼和尚。專業華嚴。每清晨良宵。焚香虔誦。如來出現品。忽見十餘菩薩。從地涌出。現金色身。皆放光明。坐蓮華座。合掌聽誦。經訖乃隱。

唐釋道英。蒲州陳氏。年十八。二親為之娶。五載同居。誓不相犯。後從并州炬法師。聽華嚴經。便落髮。入太行山栢梯寺。修行止觀。嘗因亢旱。講華嚴經。以祈甘澤。有二老翁。各二童子侍。時來聽講。英異而問之。答

云。弟子並是海神。愛此經。故來聽受。師曰。今為檀越。講經。請下微雨。翁敕二童。童即從窗孔中出。須臾大雨。霽。遠近咸賴焉。二翁拜謝。俛狀而滅。

唐清涼國師諱澄觀。字大休。會稽夏侯氏。生於玄宗開元戊寅。身長九尺四寸。垂手過膝。口四十齒。目光夜發。晝乃不瞬。建中二年。棲止五臺。下筆著華嚴疏。一日夢金容山時光相瑩。狀既覺。知是光明徧照之。徵自是筆無停思。歷四年而文成。又夢化身為龍。矯首南臺。尾蟠北臺。宛轉凌虛。須臾變百千數。蜿蜒青冥。分散四方。而去。識者以為流通之象。初為眾講感。

景雲。疑空盤旋成蓋。疏鈔外復撰手鏡一百卷。華嚴綱要三卷。正要一卷。法界觀玄鏡一卷。鏡燈說文一卷。三聖圓融觀一卷。七處九會華藏世界圖。心鏡說文十卷。貞元間詔延入內殿升座。闡揚華嚴宗旨。乃敕有司鑄印遷國師號。清涼開成三年三月示寂。生歷九朝。爲七帝門師。春秋一百有二。僧臘八十有八。全身塔終南山。未幾有梵僧至闕表稱於葱嶺見二使者。凌空而過。以咒止而問之。答曰。北印度文殊堂神也。東取華嚴菩薩大牙歸國。供養有旨。啓塔果失一牙。惟三十九存焉。遂闍維舍利光瑩。舌如紅蓮。仍

謚號清涼國師妙覺之塔。見疏鈔緣起行蹟。

唐釋城慧靈丘李氏子。其親禱五臺山而生。旣長辭親。詣五臺真容院。從法順和尚披剃。嘗誦華嚴于李牛谷。草木爲食。每誦經時。有五七儒服者坐聽。數持异華鮮菓以獻。師怪問之。答曰。某山神也。蒙師法力。無以爲報。願充執侍。師不樂。遂捨其處。見雲棲感應略記。

唐儀鳳年中。西域有二梵僧。至五臺山。拈花執爐。肘膝行步。向山頂禮。文殊遇一尼師。在巖石間。松下繩床。端狀獨坐。口誦華嚴。時日方暮。尼謂梵僧曰。尼不

合與大僧同止大德且去。明日更來僧曰：山深路遙，無所投寄，奈何。尼曰：若不去，我不可住。當入深山，僧徘徊慙懼，莫知所之。尼曰：但下前谷，彼有禪窟。耳僧往尋，果得窟，相去數里許。二僧合掌捧香爐，面北遙禮，傾心聽經。泠泠於耳，初啓經題，稱如是我聞。乃遙見尼身處繩床，面南而坐，口中放光，赫如金色。皎在前峰，誦兩帙已上。其光盛于谷南，方圓可十里。與晝不異，至四帙，其光漸收。六帙都畢，光並收入尼口。人以爲此文殊分化，以示梵僧也。見英師感應傳。

唐上元中孫思邈服流珠丹雲母粉年百五十歲顏

如童子。至長安說齊魏間事，有如目覩嘗書寫華嚴經七百五十部。時太宗召見，問佛經何經爲大。孫曰：華嚴經佛所尊大者。帝曰：近玄奘三藏譯大般若六百卷，何不爲大而八十卷華嚴經獨得大手。孫曰：華嚴法界具一切門於一門中，可演出大千經卷。般若經乃華嚴中一門耳。太宗方悟，乃受持華嚴。見英師感應傳。

唐李長者諱通玄，初至太原，寓高山奴家。每旦唯食棗十顆，栢葉餅一枚。後捨去，路逢一虎，馴伏如有所待。長者語之曰：吾將著論釋華嚴經，汝當爲吾擇一

棲止虎負長者囊鉢行三十餘里至一土龕蹲住長者入龕虎便妥尾而去龕素無水是夕風雷拔一老松松下出泉清冽甘美時人號爲長者泉長者著論之夕心窮玄奧口出白光照耀龕中以代燈燭時有二女容華絕世以白巾幪首爲長者汲水焚香供給紙筆卯辰之際輒具淨饌甘珍畢備齋罷徹器莫知去來歷五載著論將終便爾絕迹見長者華嚴論事跡

唐永徽中樊玄智安定人弱歲卽知修道皈依杜順和尚順令誦華嚴爲業仍依此經修普賢行每誦經口中頻獲舍利前後數百粒慧英法師感應傳云居士有時夜誦口放金光明照及四十餘里遠近驚異年九十二無疾而終荼毘時牙齒變爲舍利得百餘粒悉放光明數日不歇於是僧俗豎塔供養

唐鄧元爽華陰人證聖中有親故暴卒經七日復甦說冥中欲追爽爽懼其人教寫華嚴經寫竟爽母墓側先種蜀葵至冬已瘁忽花發燦然榮茂鄉閭異之聞於朝旌爲孝門又華嚴志云鄒極繕寫華嚴經至半部忽香案前見一比丘鄒問汝何人至此答曰吾乃華嚴侍者感君至誠持來研墨耳鄒方禮謝遂不

見寫經之靈應如此。

唐永隆中，長安人郭神亮，梵行清淨，忽一日暴卒。有天人引至兜率天宮，敬禮彌勒。一菩薩謂郭曰：「何不_○受持華嚴對曰：以無人講演故。菩薩曰：有人現講，何以言無？既而郭_○向薄塵法師述其事，始知賢首之弘轉法輪，其感通神異若此。見會玄記。

宋眉州中巖華嚴祖覺禪師，幼過目成誦，著書排釋氏，忽見惡境，悔過出家。依慧目能禪師，未幾疽發膝上，五年醫莫愈。因書華嚴合論畢，夜感異夢，旦即捨杖安步。一旦誦至現相品曰：佛身無有生，而能示出

生。法性如虛空，諸佛於中住。無住亦無去，處處皆見佛。遂悟華嚴宗旨。府帥請講於千部堂，詞旨宏放，衆咸嘆服。見五燈會元。

宋圓淨法師，名省常，錢唐顏氏，十七歲出家，受具戒行，謹嚴。習天台止觀法門，淳化中住錫昭慶。慕廬山之風，結社西湖，以華嚴淨行品乃成聖之宗要，自刺指血和墨書之，每書一字，三拜三圍繞，三稱佛名。又刊板印施千卷，易蓮社爲淨行社，預會者皆稱淨行弟子。王文正公旦及相國向公敏中爲社首。一時士大夫百二十人，比丘千人焉。翰林蘇易簡作淨行品

序。至謂予當布髮以承其足。劍身以請其法。猶尚不辭。况陋文淺學。而吝惜哉。天禧四年正月。端坐念佛而寂。爲蓮社七祖云。

宋釋善本。試華嚴得度。居恒誦持。不輟。奉詔住法雲。賜號大通禪師。後歸杭州象塢寺。修淨業。定中見彌陀佛。示金色身。一旦告門人曰。吾三日後行矣。至期果跌坐念佛西向而化。

宋元祐中。蜀僧智超法師。常誦華嚴經已三十年。偶見一童子。風神爽異。舉手高揖。超問何自。曰。自五臺來。超曰。何遠至此。曰。有少事欲相導。故吾師誦經。固

可嘉矣。但夫在登廁洗淨時。觸水淋其手背。而未嘗

用灰泥洗之。

或用皂角丸亦可。

所用灰泥。律制七度。今但二

三緣。此觸尚存禮佛誦經。悉皆得罪。言訖不見。超慙

而改過。識者曰。此文殊化現。示警於超也。故知洗手

必須依法。至在家誦讀者。亦須如法行持。若不能必

持偈咒方免褻慢之罪。登廁偈云。大小便時。當願衆

生棄貪嗔癡。蠲除罪法。

入廁時先鳴指三下。

咒云。唵。狼嚙陀耶。

娑訶。

三遍。

洗淨偈云。事訖就水。當願衆生。出世法中。速

疾而往。咒云。唵。賀曩蜜粟帝娑訶。

三遍。

去穢偈云。洗滌

形穢。當願衆生。清淨調柔。畢竟無垢。咒云。唵。室利曳

華嚴持驗紀

三

婆醯娑訶三淨手偈云以水盥掌當願衆生得清淨

手受持佛法咒云唵主迦囉耶娑訶三

宋文忠歐陽公將易箕時呼子弟誠曰吾少以文章名世力詆浮圖邇來於諸經忽聞奧義方將研究正果不料賫志以歿汝等毋蹈吾轍輕言三教異同也令老兵于近寺借華嚴經莊誦至八卷安臥坐逝宋孫良錢塘人隱居闕大藏尤得華嚴之旨居恒誦持不廢後依大智律師受苦薩戒日誦佛萬聲幾二十年一日命家人請僧念佛方半餉望空合掌云諸佛已荷降臨退坐而化

宋秦氏淨堅家松江自厭女身與夫各處精持齋戒常披誦華嚴及法華光明般若等經無虛日晨昏禮佛修彌陀懺久之有光明入室面西安坐而化金蘇陀室利中印度那蘭陀寺僧誦持華嚴年八十五航海來禮五臺每一臺頂誦華嚴十部禪寂七日定中見金城紺殿寶蓮香水珠網交輝諸天童子遊戲其中後於靈鷲峰化去得舍利八合璀璨如珠見雲棲感應略記

元華嚴菩薩諱正順尉州高氏子從五臺壽寧用公祝髮結廬深樹惟閱華嚴數盈千部每入華藏觀三

華嚴排駭錄
五日方起世號華嚴菩薩將示寂門人乞偈師曰歷劫本無去住應用何思何慮轉身踏破虛空一切是非莫顧言訖而逝是日靈几上現龍五彩飛光燭於庭宇見雲棲感應略記

明萬曆間辨融禪師以蜚語下獄獄卒以辨公名重必多金索其厚賄師云僧家那得有錢一無所與獄卒置師大匣床中以困之匣竟師向空唱云大方廣佛華嚴經華嚴會上佛菩薩忽滿匣床聒聒作響鎖斷牀碎事聞提牢遂達御前奉詔請出雲棲竹窗二筆云予入京師與同輩詣辨融師叅禮請益融教以

無貪利無求名無攀援貴要之門惟一心辨道既出數年少笑曰吾以爲有異聞何竟泛乃爾予謂此老可敬處正在此耳渠縱訥言豈不能掇拾先德問答機緣一二以遮蓋門戶而不爾者其言是其所實踐舉自行以教人正真實禪和不可輕也

明戈以安法名廣泰錢塘人性至孝素積善行而深自韜晦晚歲精誠奉佛與靈芝僧玄素結春秋二社念佛誦華嚴五經繼忽謂人曰吾大限將至當爲西歸資糧遂掩閤課誦斯夕不輟預定歸期於臘月二十一日前二夕妻子環視悲哽戈笑曰生必有滅奚

華嚴持驗紀
悲爲吾方凝神淨域。若等慎勿以情愛亂我。至期寂
狀而逝。未幾有僧入冥。見孫晏坐靜室。經籍盈几。庭
多紫竹石峰。清絕如洞天云。見雲棲往生集。

明譚工部貞默母嚴太夫人居恒治家課子。俱有法
度。雖夫貴子貴。而布衣蔬食。不樂華侈。性好浮圖言。
晨夕禮誦金剛法華不輟。晚年尤尊崇華嚴經。每日
加持一卷。又能爲子婦講解大義。生平無疾。崇禎壬
申暑月。忽得疾。卽知垂歿。起沐浴更衣。禮佛曰。我一
生敬佛。果有佛緣。當令遺體氣息不穢。隨跏趺端坐。
合掌而逝。七日顏色含笑如生。香氣時時飄拂。喪次
無一飛蠅。見者莫不嘆異。工部自有傳紀。

華嚴持驗紀

終

華嚴持驗紀

七

華嚴抄馬糸

板貯嘉興府楞嚴寺流通



卷一 華嚴長卷莫不契異王增口

子四十六

